



REGIONE AUTÒNOMA DE SARDIGNA
REGIONE AUTONOMA DELLA SARDEGNA

SU PRESIDENTE



REGIONE AUTÒNOMA DE SARDIGNA
REGIONE AUTONOMA DELLA SARDEGNA

SU PRESIDENTE

Prot. n.1/EM

ORDINÀNTZIA N.1 DE S'8 DE GHENNÀRGIU DE SU 2021

Ogetu: Ulteriores measuras istraordinàrias urgentes de cuntrastu e preventzione de s'isparghidura epidemiològica dae COVID-19 in su territòriu regionale de sa Sardigna. Ordinàntzia in cunforma a s'art.32, comma 3, de sa lege 23 de nadale de su 1978, n.833 in matèria de igiene e sanidade pùblica.

SU PRESIDENTE

- BIDU s'art. 32 de sa Costitutzione;
- BIDU s'Istatutu Ispetziale pro sa Sardigna e sas normas de atuatzione relativas;
- BIDA sa lege regionale 7 de ghennàrgiu de su 1977, n.1 chi cuntenit "*Normas subra de s'organizatzione amministrativa de sa Regione Sarda e subra de sas cumpetèntzias de sa Giunta, de sa Presidèntzia e de sos Assessorados regionales*";
- BIDA sa lege 23 de nadale de su 1978, n.833 "Istituzione de su servitziu sanitàriu natzionale" e in particolare s'art. 32 chi disponet "*su Ministru de sa sanidade podet emìtere ordinàntzias de caràtere contingibile e urgente, in matèria de igiene e sanidade pùblica e de polìtzia veterinària, cun eficàtzia perlongada a totu su territòriu natzionale o a parte de issu chi cumprendet prus regiones*", e puru "*in sas matèssis matèrias sunt emitidas dae su presidente de sa giunta regionale e dae su sindigu ordinàntzias de caràtere contingibile e urgente, cun eficàtzia perlongada a manera rispetiva a sa regione o a parte de su territòriu suo chi cumprendet prus comunes e a su territòriu comunale*";
- BIDA sa declaratzione de s'Organizatzione mundiale de sa sanidade de su 30 de ghennàrgiu de su 2020 cun sa cale s'epidemia dae COVID-19 est istada



valutada comente un'emergèntzia de sanidade pùblica de rilevàntzia internatzionale;

- BIDAS sas deliberas de su Consìgiu de sos Ministros de su 31 de ghenàrgiu de su 2020, 29 de trìulas de su 2020 e 7 de santugaine de su 2020, cun sas cales est istadu declaradu e prorogadu finas a su 31 de ghenàrgiu de su 2021 s'istadu de emergèntzia in su territòriu natzionale relativu a s'arriscu sanitàriu connessu a s'isvilupu de patologias chi derivant dae agentes virales trasmissìbiles;
- BIDA s'ordinàntzia de su Capu de su Dipartimentu de sa protetzione tzivile n. 630 de su 3 de freàrgiu de su 2020 chi cuntenit "*Primos interventos urgentes de protetzione tzivile in relatzione a s'emergèntzia relativa a s'arriscu sanitàriu connessu a s'isvilupu de patologias chi derivant dae agentes virales trasmissìbiles*";
- BIDU su decretu de su Capu de su Dipartimentu de sa protetzione tzivile n.627 de su 27 de freàrgiu de su 2020 chi nùmenat su Presidente de sa Regione Sardigna, sugetu atuadore de sos *interventos segundu su OCDPC 630/2020*;
- BIDA sa declaratzione de s'Organizatzione mundiale de sa sanidade de s'11 de martzu de su 2020 cun sa cale s'epidemia dae COVID-19 est istada valutada comente "pandemia" in cunsideru de sos livellos de isparghidura e gravidade segudados a livellu globale;
- BIDU su decretu-lege 25 de martzu de su 2020, n.19, chi cuntenit «*Mesuras urgentes pro fàghere fronte a s'emergèntzia epidemiològica dae COVID-19*», mudadu, cun modìficas, dae sa lege 22 de maju de su 2020, n.35 e a manera ulteriore modificadu dae su D.L. n.83/2020;
- BIDU su decretu lege 16 de maju de su 2020, n. 33 chi cuntenit "Ulteriores mesuras urgentes pro fàghere fronte a s'emergèntzia epidemiològica dae COVID-19" e publicadu in sa Gazzetta Ufficiale n.125 de su 16 de maju de su 2020, mudadu, cun modìficas, cun sa lege 14 de trìulas de su 2020, n.74 e a manera ulteriore modificadu dae su D.L. n.83/2020;
- BIDU su decretu lege de su 7 de santugaine de su 2020 n.125 (Mesuras urgentes connessas cun sa pròroga de sa declaratzione de s'istadu de emergèntzia epidemiològica dae COVID- 19 e pra sa sighidura operativa de su sistema de allerta COVID, e puru atuatzione de sa diretiva (UE) 2020/739 de su 3 de làmpadas de su 2020), e in particolare s'articulu 1, comma 2, litera a), chi in su modificare s'articulu 1, comma 16, de su decretu lege 16 de maju de su 2020, n.33, reconnoschet a sas Regiones sa facultade de introduire mesuras "restrittivas in cunforma a cussas dispostas in cunforma a s'articulu 2, ossiat, ebbia in sos casos e in su respetu de sos critèrios prevididos dae sos decretos tzitados e de acordu cun su Ministru de sa salute, puru acreschidoras";



- TORRADAS A CRAMARE sas ordinàntzias contingibiles e urgentes de su Presidente de sa Regione Sardigna, in cunforma a s'art.32, comma 3, de sa lege 23 de nadale de su 1978, n. 833 in matèria de igiene e sanidade pùblica, dae sa n.2 de su 23 de freàrgiu de su 2020 a sa n.48 de su 15 de santugaine de su 2020;
- BIDU Su decretu-lege 2 de nadale de su 2020, n.158, chi cuntenit: "Dispositziones urgentes pro fàghere fronte a sos arriscos sanitàrios connessos a s'isparghidura de su virus COVID-19»;
- BIDU su decretu de su Presidente de su Consìgiu de sos Ministros 3 de nadale de su 2020 "Ulteriores dispositziones atuativas de su decretu-lege 25 de martzu de su 2020, n.19, mudadu, cun modificatziones, dae sa lege 22 de maju de su 2020, n.35, chi cuntenit: «Mesuras urgentes pro fàghere fronte a s'emergèntzia epidemiològica dae COVID-19» e de su decretu-lege 16 de maju de su 2020, n.33, mudadu, cun modificatziones, dae sa lege 14 de trìulas de su 2020, n.74, chi cuntenit: «Ulteriores mesuras urgentes pro fàghere fronte a s'emergèntzia epidemiològica dae COVID-19»;
- BIDU s'articulu 1, comma 10, litera s), de su DPCM 3 de nadale torradu a cramare;
- BIDU s'articulu 4, de su DL n.1 de su 5 de ghennàrgiu de su 2021 segundu su cale dae sa die 11 de ghennàrgiu de su 2021 finas a su 16 de ghennàrgiu de su 2021 sas istituziones iscolàsticas segundàrias de segundu gradu adotant formas flessibiles in s'organizatzione de s'atividade didàtica, in cunforma a sos articulos 4 e 5 de su decretu de su Presidente de sa Repùblica 8 de martzu de su 1999, n.275, garantende a su nessi a su 50 pro chentu de sa populatzione de sos istudiantes de sas istituziones in antis naradas s'atividade didàtica in presèntzia.
Sa parte restante de s'atividade didàtica, est acumprida pro mèdiu de su ricursu a sa didàtica a distàntzia. In sas regiones in ue si àplicant sas mesuras segundu s'articulu 3 de su decretu de su Presidente de su Consìgiu de sos Ministros de su 3 de nadale de su 2020, e puru in totu su territòriu natzionale in sas dies 7, 8 e 9 de ghennàrgiu de su 2021, s'atividade didàtica de sas istituziones iscolàsticas segundu su comma presente s'acumprit a distàntzia pro su 100 pro chentu de sa populatzione de sos istudiantes de sas istituziones iscolàsticas de sas cales a su comma presente;
- RILEVADU in particolare, chi s'articulu 1 subra indicadu 1, comma 10, litera s), at prevididu chi:
- In ogni Prefetura-UTG e in s'àmbitu de sa Cunferèntzia provintziale permanente segundu s'art.11, comma 3, de su decretu legislativo 30 de trìulas de su 1999, n.300, est istituidu unu tàulu de coordinamentu, presèdidu dae su Prefetu, pro sa definizione de su cullegamentu prus idòneu tra sos oràrios de cumintzu e de acabu de sas atividades didàticas e sos oràrios de su trasportu pùblicu locale, urbanu e *extraurbanu*, in funtzione de sa disponibilidade de sos metzos de trasportu pro custu si



podent impreare, pro agevolare sa frequèntzia iscolàstica puru in cunsideru de su càrrigu chi derivat dae su torrare in classe de totu sos istudiantes de sas iscolas secundàrias de segundu gradu;

- a s'èsitu de sos traballos de su tàulu de coordinamentu (bi partètzipant su Presidente de sa provìntzia o su Sìndigu de sa Tzitade metropolitana, sos àteros sìndigos a manera eventuale interessados, sos dirigentes de sos àmbitos iscolàsticos de su ministèriu de s'istruzione, sos rapresentantes de su ministèriu de sas infrastruturas e de sos trasportos, de sa Regione e puru de sas aziendas de trasportu pùblicu locale), su Prefetu redatzionat unu documentu operativu subra de sa base de su cale sas amministratziones interessadas adotant totu sas medidas de cumpetèntzia rispetiva;

BIDU

s'art. 1, comma 10, litera mm) de su DPCM 3 de nadale de su 2020 torrada a cramare, segundu su cale, subra de sos metzos pùblicos de su trasportu pùblicu locale e de su trasportu ferroviàriu regionale, con esclusione de su trasportu iscolàsticu dedicadu, est cunsentidu unu coefitziente de prenadura non superiore a su 50% e chi su Presidente de sa Regione devet dispònneru sa programmatzione de su servìtziu erogadu dae sas aziendas de trasportu pùblicu locale, puru non de linia, finalizada a sa ridutzione e a sa sopressione de sos servìtzios in relazione a sos interventos sanitàrios netzessàrios pro cuntènnere s'emergèntzia COVID-19, subra de sa base de sas esigèntzias efetivas e ebbia pro assicurare sos servìtzios minimos essentziales, s'erogatzione sua devet, semper e cando, èssere modulada a manera de evitare sa tropu gente in sos metzos de trasportu in sas fàscias oràrias de sa die in ue si registrat sa presèntzia prus manna de utentes;

TORRADOS A CRAMARE sos documentos operativos de su Prefetu de Casteddu, protocollos 0091511 de su 29 de nadale de su 2020 e 0091986 de su 30 de nadale de su 2020; de su Prefetu de Aristanis prot.0045339 de su 24 de nadale de su 2020; de su Prefetu de Nùgoro prot. 0073107 de su 23 de nadale de su 2020 e de su Prefetu de Tàtari prot. 01.00957 de su 24 de nadale de su 2020 cun sos cales, in atuatzione a sas dispositziones subra tzitadas, sunt istadas detadas sas solutziones organizativas pro coordinare s'offerta de trasportu pùblicu locale cun sa didàtica in presèntzia pro mèdiu de sa previsione de servìtzios de trasportu pùblicu locale agiuntivos rispetu a cussos prevididos dae sos cuntratos de servìtzios;

BIDA

s'intesa apostivigada in Cunferèntzia Unificada de su 23 de nadale de su 2020 in su Documentu "Lìneas ghia pro garantire s'acumprimentu curretu de s'annu iscolàsticu 2020/2021";

BIDA

s'ordinàntzia de su Ministèriu de sa Salute de su 24 de nadale de su 2020 chi cuntènit "Ulteriores medidas urgentes in matèria de cuntènnimentu e gestione de s'emergèntzia epidemiològica dae COVID-19", chi in s'articulu 1 previdit chi sas



REGIONE AUTÒNOMA DE SARDIGNA
REGIONE AUTONOMA DELLA SARDEGNA

SII PRESIDENTE

istitutziones iscolàsticas segundàrias de segundu gradu adotant formas flessìbiles in s'organizatzione de s'atividade didàtica, in cunforma a sos articulos 4 e 5 de su decretu de su Presidente de sa Repùblica 8 de martzu de su 1999, n. 275, a manera chi, dae su 7 de ghennàrgiu a su 15 de ghennàrgiu de su 2021, siat garantida s'atividade didàtica in presèntzia a su 50 pro chentu de sa populatzione de sos istudiantes e chi sa parte restante de s'atividade est erogada pro mèdiu de sa didàtica digitale integrada;

- LEADU ATU** de sos indicos de su mundu iscientificu segundu sos cales a su presente sos istrumentos ùnicos de preventzione de su cuntàgiu de su virus restant s'igiene de sas manos, s'impreu curretu de sos DPI e s'istesiamentu fisicu;
- ACHISIDU** su Verbale de su Comitadu Operativu Regionale (COR) de su 5 de ghennàrgiu de su 2021;
- CUNSIDERADU** chi sa Regione Autònoma de sa Sardigna, pro cuntènnere sa tzirculatzione de su virus, at aviadu su *screening* de massa in su matessi tempus de sa campagna de vatzinos, cun tropu càrrigu chi non si podet evitare de sas istruturas de sos ispidales e de ogni atividade de su Sistema Sanitàriu Regionale;
- VALUTADU** a manera cunsighente netzessàriu reduire cantu prus sas possibilidades de muntones de gente, limitende sas ocasiones de ispostamentu de sas pessones fisicas pro atividades a su presente cunsentidas, tra sas cales sos ispostamentos pro nde assicurare s'atividade didàtica in presèntzia;
- LEADU ATU** chi su Monitoràgiu Fase 2 (DM Salude 30 de aprile de su 2020) de su Ministèriu de sa Salude, Datos relativos a sa chida 14-20 de nadale de su 2020 (aggiornados a su 22 de nadale de su 2020) evidèntziat:
- casos totales: 24938, Intzidèntzia cumulativa: 1529.49 pro 100000, casos cun data prelievu/diàgnosi in sa chida 14/12-20/12: 1201, intzidèntzia: 73.66 pro 100000, Rt: 0.82 (CI: 0.67-1.01) [mèdiu 14 dies];
- LEADU ATU** chi su Monitoràgiu Fase 2 (DM Salude 30 de aprile de su 2020) de su Ministèriu de sa Salude, Datos relativos a sa chida 21-27 de nadale de su 2020 (aggiornados a su 29 de nadale de su 2020) evidèntziat:
- casos totales: 27188, intzidèntzia cumulativa: 1667.49 pro 100000, casos cun data prelievu/diàgnosi in sa chida 21/12-27/12: 1069, intzidèntzia: 65.56 pro 100000, Rt: 0.83 (CI: 0.7-1.07) [mèdiu 14 dies];
- LEADU ATU** chi su Monitoràgiu Fase 2 (DM Salude 30 de aprile de su 2020) de su Ministèriu de sa Salude, Datos relativos a sa chida 28 de nadale de su 2020 - 03 ghennàrgiu de su 2021 (aggiornados a su 05 de ghennàrgiu de su 2021) evidèntziat:
- casos totales: 29218, Intzidèntzia cumulativa: 1791.99 pro 100000, casos cun data prelievu/diàgnosi in sa chida 28/12/2020-03/01/2021: 1272, Intzidèntzia: 78.01 pro 100000, Rt: 0.95 (CI: 0.78-1.11) [mèdiu 14 dies];
- BIDU** chi subra de sa base de sos datos frunidos in data 8 de ghennàrgiu de su 2021 dae s'Unidade de Crisi Regionale sa situatzione de su cuntàgiu dae SARS –



CoV-2, registrat 504 ricoverados in sos ispidales in degèntzias de s'àrea mèiga, in prus de 50 ricòveros in terapia intensiva subra de una disponibilidade attuale de 74 postos letu de terapia intensiva (+27 ativàbiles in 24-48h), cun arriscu cunsighente de cumpromìtere s'oferta de sos ispidales pro sos tzitadinos;

CUNSIDERADU chi sas mesuras finas a como adotadas a livellu istatale e regionale no ant determinadu su cuntenumentu de su cuntàgiu in misura tale de cunsentire s'acumprimentu de su servìtziu iscolàsticu segundu sas règulas fissadas in su DPCM 3 de nadale de su 2020 e de s'ordinàntzia de su Ministèriu de sa salute 24 de nadale de su 2020;

RILEVADU chi sa ripresa de s'atividade iscolàstica in presèntzia de unu nùmeru rilevante de alunnos, dotzentes e personale relativos a sas istituziones iscolàsticas segundàrias de segundu gradu, istatales e paritàrias e a sas istituziones chi èrogant percursos de istrutzione e formatzione professionale, diat a cumpotare muntones de gente dàbile a curtzu a sas istituziones iscolàsticas, cun arriscu ligadu de isparghidura de su cuntàgiu in sas familias;

APRETZIADU pro cussu de dispònneru in totu su territòriu regionale sa suspensione in presèntzia de totu sas atividades iscolàsticas segundàrias de II gradu, istatales e paritàrias, e de sas istituziones chi èrogant percursos de istrutzione e formatzione professionale cun ricursu a sa didàtica a distàntzia, torrende a pònneru in capu a sas Autoridades iscolàsticas sa rimodulatzione de sas matessis e mantenende sas mesuras organizzativas adotadas in s'autonomia issoro a pustis de s'intrada in vigore de su DPCM de su 3 de santandria de su 2020. Restat semper garantida sa possibilitade de acumprire atividades in presèntzia si in casu mai siat netzessàriu s'impreu de laboratòrios istruturados e atrezados non fruìbiles dae a tesu, o in resone de mantènnere una relatzione educativa chi realizet s'inclusione iscolàstica efetiva de sos alunnos cun disabilitade e cun bisòngios educativos ispetziales, segundu cantu prevididu dae su decretu de su Ministru de s'istrutzione n.89 de su 7 de austu de su 2020, e dae s'ordinàntzia de su Ministru de s'istrutzione n.134 de su 9 de santugaine de su 2020, garantende semper e cando su cullegamentu on-line cun sos alunnos de sa classe chi sunt in didàtica digitale integrada;

APRETZIADU imbetzes, chi s'atividade didàtica e educativa pro sos servìtzios educativos pro s'infàntzia, pro s'iscola de s'infàntzia e pro su primu tziclu de istrutzione sigat a s'acumprire a manera integrale in presèntzia;

APRETZIADU in prus de cunfirmare, in relatzione a cantu subra, s'articulatzione attuale de sos servìtzios de trasportu pùblicu locale, firmas restende rimodulatziones eventuales determinadas dae s'andamentu de sa dimanda, rinviende a sa ripresa de s'atividade didàtica in presèntzia de sos istitutos segundàrios de II gradu, istatales e paritàrios, e de sas istituziones chi èrogant percursos de istrutzione e formatzione professionale su potenzziamentu ligadu de s'oferta de trasportu pùblicu locale pro mèdiu de s'ativatzione de sos servìtzios agiuntivos



REGIONE AUTÒNOMA DE SARDIGNA
REGIONE AUTONOMA DELLA SARDEGNA

SU PRESIDENTE

prevididos dae sos documentos operativos de sas Prefeturas segundu s'articulu 1, comma 10, litera s), de su DPCM 3 de nadale de su 2020;

CUNSIDERADU chi sas dimensiones subnatzionales de su fenòmenu epidèmicu e s'interessamentu de prus àmbitos in su territòriu natzionale faghent netzessàrias mesuras indirizadas a garantire s'atuatzione de sos programmas de profilassi elaborados in sede internatzionale e europea, graduende sas mesuras in base a s'ispetzifitzidade de su cuntestu territoriale interessadu, in su rispetu de sos printzìpios de achistadura, proporzionalidade e adeguadesa a s'arriscu a manera efetiva presente in su territòriu regionale;

BIDU s'art.14, comma 4, de su DPCM 3 de nadale de su 2020, pròpiu su cale "*sas disposizioni de su decretu presente si àplicant a sas Regioni a istatutu ispetziale e a sas Provintzias autònomas de Trento e de Bolzano a manera cumpatibile cun sos Istatutos respetivos e sas normas relativas de atuatzione*".

DADU ATU de sas potestades primàrias atribuidas a sa cumpetèntzia regionale dae sa Lege Costituzionale 26 de freàrgiu de su 1948, n.3;

ATESU chi intrat in sas cumpetèntzias primàrias de sa Regione Autònoma de sa Sardigna riferidas a sas matèrias postas a sa potestade legislativa pròpia e amministrativa e, pro issa, tochet a su Presidente de sa Regione Autònoma de sa Sardigna, puru in calidade de Autoridade Sanitària Regionale e puru sugetu atuadore de sos interventos segundu su OCDPC 630/2020, valutare e pesare sos interventos netzessàrios pro sa tutela de sa salute pùblica;

VALUTADA in prus, s'urgèntzia e chi non si podet perlongare de adeguare a sas ulteriores mudadas cunditziones epidemiològicas locales sas mesuras istraordinàrias a tutela de sa salute de sos tzitadinos sardos pro sa preventzione e su cuntinimentu de s'isparghidura in su territòriu de sa Regione Sardigna de su COVID-19, in cunforma a s'art. 32 de sa lege 23 de nadale de su 1978, n.833 in matèria de igiene e sanidade;

ÒRDINAT

Art.1) Pro cuntrastare e cuntènnere s'isparghidura de su virus SARS-CoV-2, dae s'11 de ghennàrgiu de su 2021 e finas a sa die 31 de ghennàrgiu de su 2021 in totu su territòriu regionale si àplicant sas mesuras sighentes:

a) sas istituziones iscolàsticas secundàrias de segundu gradu, istatales e paritàrias, e sas istituziones chi èrogant percursos de istrutzione e formatzione professionale, adotant formas flessibiles in s'organizatzione de s'atividade didàtica in cunforma a sos artìculos 4 e 5 de su decretu de su Presidente de sa Repùblica 8 de martzu de su 1999, n. 275, a manera chi su 100 pro chentu de sas atividades siant acumpridas pro mèdiu de su ricursu a sa didàtica digitale integrata, mantenende sas mesuras



organizativas adotadas in s'autonomia issoro a pustis de s'intrada in vigore de su DPCM de su 3 de santandria de su 2020;

- b) restat semper garantida sa possibilidade de acumprire atividade in presèntzia si in casu mai siat netzessàriu s'impreu de laboratòrios istrutturados e atrezados non fruibiles dae a tesu o in resone de mantènnere una relazione educativa chi realizet s'inclusiones iscolàstica efetiva de sos alunnos cun disabilitade e cun bisòngios educativos ispetziales, segundu cantu prevididu dae su decretu de su Ministru de s'istruzione n. 89 de su 7 de austu de su 2020, e dae s'ordinàntzia de su Ministru de s'istruzione n. 134 de su 9 de santugaine de su 2020, garantende semper e cando su collegamentu on-line cun sos alunnos de sa classe chi sunt in didàtica digitale integrada.

- Art.2) Est cunfirmada finas a su 31 de ghenàrgiu de su 2021 cumpresu, in relazione a cantu dispostu in su puntu 1, s'articulazione attuale de sos servìtzios de trasportu pùblicu locale, firmas restende rimodulaciones eventuales determinadas dae s'andamentu de sa dimanda, rinviende a sa ripresa de s'atividade didàtica in presèntzia de sos institutos secundàrios de II gradu, istatales e paritàrios, e de sas istituziones chi erogant percursos de istruzione e formazione professionale su potenziamentu ligadu de s'offerta de trasportu pùblicu locale pro mèdiu de s'ativazione de sos servìtzios agiuntivos prevididos dae sos documentos operativos de sas Prefeturas segundu s'articulu 1, comma 10, litera s), de su DPCM 3 de nadale de su 2020.
- Art.3) Pro totu cantu a manera espressa non disciplinadu dae s'ordinàntzia presente, si faghet rinviiu espressu a su DPCM 3 de nadale de su 2020 e allegados relativos.
- Art.4) Sas dispositziones de s'ordinàntzia presente produint sos efetos issoro a fàghere data dae s'11 de ghenàrgiu de su 2021- finas a su 31 de ghenàrgiu de su 2021, francu pròroga esplitzita e francu ulteriores prescritziones diversas, puru de signu contràriu, chi si diant a fàghere netzessàrias in dipendèntzia de s'andamentu de sa curva de isparghidura de su virus, chi at a èssere a manera costante monitorada dae sos òrganos cumpetentes de s'amministratzione e de sas aziendas.

S'ordinàntzia presente est eficatze a manera immediata e est publicada in su situ istituzionale de sa Regione e in su B.U.R.A.S. Sa publicatzione at balore de notifica individuale, a totu sos efetos de lege, in sos cunfrontos de totu sos sugetos interessados.

Francu chi su fatu non constituat reatu prus grae, sa no osservàntzia de sos òbligos segundu s'ordinàntzia presente est sanzionada comente pro lege (art. 2 de su D.L. 33 de su 16 de maju de



REGIONE AUTÒNOMA DE SARDIGNA
REGIONE AUTONOMA DELLA SARDEGNA

SU PRESIDENTE

su 2020).

S'ordinàntzia presente benit in prus trasmìtida, segundu sas cumpetèntzias respetivas, a su Presidente de su Consìgiu de sos Ministros, a su Ministru de sa Salude, a su Ministru de s'Istruzione, a su Ministru de sas Infrastruturas e de sos Trasportos, a sos Prefetos de sos Ufìtzios territoriales de Governu de sa Sardigna, a su direttore de s'Ufìtziu iscolàsticu regionale pro sa Sardigna, a sos Amministradores de sas Provìntzias de su territòriu regionale, a su Sindigu metropolitanu de Casteddu, a sos Sìndigos de sos Comunes de sa Sardigna, a sos Assessores regionales.

Contra a s'ordinàntzia presente est ammitidu ricursu giurisditzionale a in antis de su Tribunale Amministrativu Regionale in su tèrmine de sessanta dies dae sa comunicatzione, ossiàt istraordinàriu a su Capu de s'Istadu intro de su tèrmine de dies chentubinti.

Christian Solinas



CHRISTIAN SOLINAS
REGIONE AUTÒNOMA
DE SA SARDIGNA -
SISTEMA REGIONE
08.01.2021 21:31:51
UTC

Traduzione de s'operadora de s'isportellu linguìsticu de Romana
Maria Leonarda Correddu